

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第九五冊

責任編輯：孫言誠 賀 偉

ISBN 7-5333-0535-3



9 787533 305352 >

21398/11

四庫全書存目叢書·史部九五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.25 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第九五冊目次

史部·傳記類

義烏人物記二卷

〔明〕金江撰
北京圖書館藏明嘉靖刻本

一

濟美錄四卷

〔明〕鄭燭輯
北京大學圖書館藏明嘉靖十四年家塾刻本

二七

逸民傳二卷

〔明〕皇甫湜撰 劉鳳補遺
涵芬樓影印明萬曆刻夷門廣牘本

五六

元祐黨籍碑考一卷慶元偽學黨籍一卷

〔明〕海瑞撰
涵芬樓影印清道光十一年六安晁氏木活字學海類編本

八九

續吳先賢讚十五卷

〔明〕劉鳳撰
中國科學院圖書館藏明萬曆刻本

九八

碩輔寶鑑要覽四卷

〔明〕耿定向輯
清華大學圖書館藏明嘉靖刻本

二四八

守令懿範四卷

〔明〕蔡國熙撰
遼寧省圖書館藏明隆慶四年劉世昌刻本

三二七

古今廉鑑八卷

〔明〕喬懋敬撰
浙江圖書館藏明萬曆六年刻本

四五二

桐彝三卷續二卷

〔明〕方學漸撰
北京圖書館藏清鈔本

五五一

貧士傳二卷

〔明〕黃姬水撰
清華大學圖書館藏明萬曆繡水沈氏刻寶顏堂祕笈本

五八七

梅花草堂集皇明崑山人物傳十一卷

〔明〕張大復撰
中國科學院圖書館藏明崇禎刻清補修彙印梅花草堂集三種本

六一二

義烏人物記二卷

〔明〕金江撰

北京圖書館藏明嘉靖刻本

附《四庫全書總目·義烏人物

記二卷》提要

義烏人物記叙

正德大夫資治尹權部右侍郎明黃宗明撰

天理之在人心無古今無智愚其善善惡惡公是公非如日月之昭晰不俟指數而見者救世道湮人多蔽於所私見有言焉恥已之不若也則從而忌嫉之又從而搜剔其幽隱攻訐其短長以爲掩護遮蓋之地必使彼之長不足以形

人物記叙

吾之短而始快是非其性獨異也於此亦足以驗人心之良而流弊至於此極者則前言往行不暴於斯世而尚友之意微也義烏金子孔毅治經之暇慨然有志千古博覽羣書傳志及行狀碑銘圖譜一疑覈實分志義孝友政事文學上下卷萃爲義烏人物記一編持以告予曰事則無改於舊義則願爲加飾焉

予觀之磊落大節類多著列於國史信義烏之多賢也而君益爲之表章使讀者不覺欣慕愛樂真若佩芝蘭而說好色其於行汙節辱亦爲之指摘譏評不少貸使讀者毛寒骨竦憫然若將有寃焉之意今之世人人而用心若是焉則所以興起其善善惡惡之公而流淑斯世者又何如也予嘉金子之志不暇論

文之工拙而僭爲書之如此云

義烏人物記引

記者何紀實也紀實者何昭世則也世則昭而記義盡矣洪興劉嘗志龍縣以及人物矣曷爲著之病二子也二子不其紀實乎曷爲病之顧其晦弗彰消弗別善弗旌是以病之然而名爵史編固嘗顯矣奚俟於著特沉微者爲泯泯焉爾是故刪其所不必錄者參吾之所必

錄者矣考索而著定著定而記成記成而實紀於是晦焉用彰消焉用別善焉用旌故曰世則昭而記義盡矣

嘉靖十四年仲冬旣望綱東金江書

凡例

一楊琰傳取後漢書駱統傳取三國志駱賓王傳
取唐史宗澤徐僑傳取宋史黃潛傳取元史其
餘諸傳或采洪興祖志或考劉同縣志或按朱
子宋名臣言行錄呂祖謙十七史具師道敬鄉
錄鄭柏金華寶達傳更參之行狀碑銘譜圖記
序諸先正文集以取其大槩而節為小傳不敢
妄改其舊傳或有詳畧不同則取其長而姑置
其短以備參考焉

一忠義孝友之大節故以為先而政事次之文

學又次之

一郡縣有志即古列國史也皆所以紀事行遠例
當編名今傳史氏之例皆以名書唯子孫之於
祖考以字書之

一楊琰已入宋瀘浦陽人物記蓋瀘陽未置縣時
地隸烏傷琰自高祖茂始遷琰其所居處瀘浦
陽地按洪遵以扶隸瀘陽以扶之子喬琰隸烏
傷何耶然必有所據焉爾觀其封烏傷新陽鄉
侯及攷

大明一統志亦書義烏人故載於此不以瀘陽人物

記而

郡縣志錄畧者義由庚倫保據大年朱環金
洵見宋潛溪文集及聚遠傳山自司據今皆增
入

一傳中知所從來者則書曰自某郡來遷於某處
不知者但書曰縣人至於居在何鄉年壽壽小
傳世遠近可攷者亦書

一舊有名而無字者因之不知其事之詳而姓名
不可闕者附傳中

一贊文之傳則於傳中所未備者藉是以發之豈

敢以管見攷史內作評語耶

一本傳所載與墓誌行狀不同歷官次第行事後
先多紊亂難攷今擇其理優者載之

一責人欲想論人欲盡故是書去取不得不嚴本
據諸史傳志行實摺著書傳可攷者既以類輯
之矣又或畧示微意於禁中其有載於他志而
不入甚至無足稱者欲并不書恐貽後人脫畧
之嫌故自為論之以俟傳聞高見者定
一入記者皆先賢達蓋棺論定故也

凡例畢

義烏人物記標目

上卷

忠義

宗澤

王棉

孝文

顏烏

樓蘊

周祖仁

朱環

政事

楊璇

駱俊

駱統

朱幼

葉蒸

朱質

黃夢炎

康植

朱元龍

喻侶

虞復

樓大年

人物記標目

三

朱文

龔永吉

下卷

文學

婁幼瑜

駱賓王

楊忱中

喻良能

喻良弼

何格

陳炳

徐僑

傅正

王適

傅實

施郁

葉山庚

喻

劉應龜

傅

陳允道

王炎澤

石一

黃

朱雲亭

金涓

朱蕙

樓

王紉

王徐

王汶

義烏人物記卷之上

後學金江著

後學金沙校

忠義篇

天下有大閑豆萬世而不踰者忠義是也蓋輝
二耀競美兩開夫誰為之蓋萃天地勁正之氣
發為磊落偉偉之行蹈白刃赴水火歷萬死而
不改其操故龍逢於夏比干於商申賈於齊弘
演於衛紀信樂布於漢向樵樵紹於晉顏直卿
張巡許遠於唐誠烈士哉宋富靖康建炎之間
虜人長驅而南也宗澤知磁州獨憑城死守為
天下倡及留守京師以忠義鼓發盜賊方銳無
前之鋒時河北已沒郡縣皆為國有江南李穎
以立國力請回鑾以圖恢復中原為邪計阻之
精憤而卒我

國朝初雲南未奉正朔王棉奉
詔往諭遂不屈死蓋補之功業於澤雖小見然皆
知事君之大義守身之大節不以成敗利鈍而
少變其執天常其植人紀其統亂臣賊子之氣
裨補世教甚有力焉江生也晚間閩諸鄉薦紳

先生及致傳誌備知二公履歷而景慕其氣節
不啻不為之浩嘆作忠義篇以為後世入臣之
勸

宋宗澤傳

宗澤字汝霖陳人母憂雷震紅光下燭磨而生澤
自幼有大志登元祐六年進士第調館陶尉歷龍
游水趙城令改知掖縣差通判登州忤道士得
倖用事者概職罷置鎮江尋監鎮江酒稅靖康元
年用薦者假宗正少卿充和議使澤奏名不正改
計議使衆謂澤方剛難合而止除直秘閣知磁州

人物誌卷

二

從竄卒十餘人單騎之官至則治城池修器械廣
儲蓄義敢勇為必守計且條畫邊防及勤王策進
秘閣修撰河北義兵都總管康王再使金過磁澤
力止之王遂回相州有詔以澤為副元帥加集英
殿修撰從王起兵入援澤自將兵與金人數十戰
皆有功王承制除徽猷閣待制方進兵臨濮而京
城不守矣金人逼二帝北行澤即引兵趨滑抵大
名將徑渡河據其歸路邀還之而勤王之兵無一
至者又聞張邦昌僭位即欲先行誅討乃還軍衛
南且上書高宗勸建炎元年五月高宗即位南

京趨詣行在所入對涕泣涕陳興復大計踰千
言且曰願陛下下一怒以安天下之民臣雖驢馬當
冒矢石為諸將先得捐軀報國家志願足矣高宗
壯其言擢龍圖閣學士知襄陽府時方議割回東
北蒲解地上疏諫止改知青州尋知開封府宣布
恩威豪強欽縮盜賊屏竄河東王善最為巨寇澤
單騎說降之王再興李貴楊進王大即等皆相繼
降即上疏乞車駕回京時欲幸維揚金陵澤復以
疏諫不聽遷延康殿學士京城留守兼開封尹金
人自鄭州抵白沙汴京緣數十里將部伍乘城澤

人物誌卷

三

命解甲歸休母事張皇時已遣將劉衍率兵在外
大敗虜衆又遣王宣敗虜滑州進資政殿學士既
至修官禁治城壁增武備結連諸路義兵燕趙豪
傑京城內外所屯兵實百八十萬方魁日大舉渡
河前後二十餘疏力請上還為黃鰥善汪伯彥等
所沮憂憤疽發於背諸將入問疾懇然起曰吾以
二帝蒙塵至此汝等能殲賊配虜乎死何恨衆皆
流涕曰敢不盡力諸將出澤歎曰出師未捷身先
死長使英雄淚滿襟澤總是有風雨晝晦終無
一語及家事但連呼渡河者三時年七十贈觀文

殿學士通議大夫謚忠簡澤龜數日間將士散去者十五六都人憂之相與請于朝言澤子穎嘗居戎幕得將士心宜用以卒父功會法元已除留守乃以穎為從閣留守判官充友澤所為穎屢爭之不從尋請持服歸自是豪傑義士悉皆散去而中原不守矣穎後為兵部郎中諸孫皆用蔭補官惟從孫武繼登進士第

贊曰高宗南渡澤留守東京招徠群盜數百萬使一舉而取河北數郡當是時也施為整頓幾復中原而高宗已無北還意澤於是勸回汴京

人物志卷

四

前後凡二十四上疏每為汪黃所沮積憤而死可悲也夫嗚呼俾假之以年則神州之壁可完二帝北巡未必無還期惜澤死而志竟莫伸天乎

皇明王棉傳

王棉字子充其先太原之祁人五代時節度使彥超自會稽遷義烏之鳳林又自鳳林遷青巖棉幼秀敏酷嗜古學從黃潛學潛以斯文之繼任之早時燕京諸儒列薦其文行於朝不報遂南歸會太祖皇帝取遼澤為緣授江南儒學提舉司校理再

韓起居注尋陞同知南康府事召還議即任禮復出為漳州通判又召修元史同為總裁官書成拜翰林待制承直郎同知制誥兼修國史院編修官預教大本堂出使吐蕃未達境召還洪武五年正月奉

詔往諭雲南六月抵其境見梁王把都而諭之時梁王已有降意會元之遺孽自立於朔漠者遣臣脫脫斡禮納於梁王規知其與中國通迫其殺棉以自明梁王不得已出棉見之脫脫欲以威屈棉慷慨為曰天訖汝元命我

人物志卷

五

朝實代之汝如燭火餘燼尚欲與日月爭光耶吾將命遠來豈為汝屈棉有死而已寧以迫脇為懼耶脫脫怒其言棉遂被害時年五十有二正統間贈翰林院學士謚忠文所著有華川前後集二十五卷王堂雜著五卷詩五卷續大事記七十九卷第補字子勉以明經薦歷任登州招遠縣主簿從弟初字子升薦授萬泉縣主簿所著有時習齋集長子綬字孟縉工五言詩有愚軒集仲子紳孫徐南孫汝別有傳

贊曰棉以樵才受知

太祖故於出使雲南不屈而死可謂烈士矣其忠義之心雖本乎天性夫亦由學而成歟其後以文學鳴是知忠於國者必昌厥後云

孝友篇

父子之親天性也自世教漓人始以孝弟爲難能而旌別之至習俗之偷鮮有能覺者蘇政以子廢母胡亥以弟弑兄劉季分羹呂后不哀其子綱常倫理果安在哉噫上有所好下必甚焉德色借鋤評語取諸賈誼之言信矣夫若類烏者習俗不替天性獨垂親親之時躬負土石感

人物志卷

本

烏嚙泥來助吻爲之傷良孝子通神明可感異類是非難哉江聞議者以顯庸君子泥芳無窮忘世處士泯滅無聞每竊笑之是焉足以議論人物耶彼懸銀黃拖朱紫志遂當時身死未幾不能道其名若字者往往有之至若閭巷之家布衣之士修孝弟之道隆愛敬之誠傳志必謹以詔後世然則顯晦固不足較也有志之士寧不於是重有感哉江不敏聞聞鄉先正及舊誌若烏者未嘗不爲之欣慕故謹錄之繼烏者宋之樓蘊周祖仁元之朱環亦庶幾焉爾自素定

今一千七百餘年以孝友著者止三人焉亦歎矣附之以勵鄉人

素顏烏傳

顏烏縣人事親孝父亡負土成塚群烏獅土助之烏吻皆傷因以名縣

贊曰烏當廢秦人倫廢壞之時孝行足以感異類彼所謂豪傑之士雖無文王猶興非歟

宋樓蘊傳

樓蘊字季發縣之在城人母喪廢掃沐盥醑不入口結廬墓左繞塚哀號塚下耕者爲之墮淚負土

人物志卷

七

築塚日自課三十有塚高數仞鄉人合辭請於郡邑刺史遣從事勞之且問狀固謝曰此人子之常不願賞鄰里強之不可歲時祭享不用釋老楮幣終其世巫祝不至門人稱曰孝子呂祖謙銘其墓龍應之請於朝從祀顏氏廟

宋周祖仁傳

周祖仁縣人親喪廬墓朝夕號慟甘露降於墓柏人稱曰周孝子

贊曰烏之貞孝無足議矣蘊與祖仁結廬墓左朝夕號慟愛日之誠未知何似泣血之哀有足

稱焉故錄其行而著其名所以勵風化而敦彝倫焉爾

元朱環傳

朱環字君玉縣之赤岸人襁褓時無見虎聲仲父桂奇之養爲子桂後生璧父定周因外環環充孝謹九勞事皆服行不知有寒暑時境內多盜白晝出道上劫人財桂有金數百兩與璧謀應密中璧夜發去反誣環所爲桂怒號環襦袴立之大雪中一日夜不使去環恂恂謝過無一言辨其冤桂猶日置環五六年間賴宛者數四恒順受之不怒桂

人物誌卷

死遇璧益厚璧子慶多暴或嫁以殺人罪環憂不能食竭私財救之慶獲免環善讀書寶祐間嘗舉進士年八十六終於家子元元字子初至元末有盜數千起縉雲過永康置峽源山山抵元家甚邇盜將劫元父環及環兄遇魁爲謀帥元聞遽告二翁速避寇不聽復涕泣諫翁罵曰豎子不解事江南內附久誰敢叛耶設有寇不過鼠竊拘偷何足病元自度賊若結去則是翁從賊反官坐以法雖有百喙莫能白爲今之計者孰若殺賊自明乃與役夫傅參謀執刃伏垣

一或止之曰張勢張甚汝不畏作趙醢耶元曰吾知有親爾若得白親以無罪雖萬死不恨會賊偵騎至竟斫殺二人梟首市中以血手入示翁負之北逃賊平翁竟無罪

贊曰宋濂云昔尹吉甫子伯奇無罪爲後母譖而見逐履霜中野作履霜操其辭多怨傷夫伯奇不必爾也父母惡之勞而不怨何假於辭哉今環之無罪與伯奇同環羸身立大雪中則又非若履霜比也乃能順受之而無怨元爲親故援劍斫賊而不知有身蓋有得於家教然也郡

人物誌卷

九

縣志乃失載焉用爲表之政事篇

孔門設教有政事之科若由求之徒皆能施於有國以著威驗者也是故有天下之才有一郡一邑之才大小雖有不同其以福天下均也吾邑之士有忠信廉勇禮樂文章其憂公忘私瞻國充民足以慈潤天下生留餘惠沒留餘法者載在政事其無從者質而所可見者不過叙其科第品秩之盛而已吾邑第進士自王固始因字天貺卒官恩陽令從孫永年繼登進士知福

州贈正議大夫永年之子鑄通判嘉興贈金紫
光祿大夫永年之孫靈提舉廣東常平實歷知
宜連藤柳峽饒江七州永年之曾孫謙知隆州
自南渡後第進士以樓圖南爲首知吉州贈中
奉大夫從孫晏子固俱世科若龔應之官右史
許復道子堪並登文武兩科宣教郎陳昭郡丞
黃耕秘書丞王世傑醴陵簿周大亭台州司理
樓斗南侯官簿傅光龍知縣何傳長沙同知朱
肇他如朱叔麒與諸兄憂魁復得文魁夢周宗
周炎皆登第於宋季又仕於元歷官郡邑王龍

人物記上卷

十

澤登宋進士第一拜簽書昭慶軍節度判官宋
亡仕元爲監察御史故自楊琰至龔求吉九十
有四人敢錄之以爲將來者勸其餘位望雖隆
政蹟無聞出處未就終未光明者不敢妄爲紀
載以俟傳聞高見者

漢楊琰傳

楊琰字機平高祖父茂本河東人從光武征伐爲
威寇將軍封烏傷新陽鄉侯建武中就國傳封三
世有罪國除因而家焉父扶字聖儀爲武源令遷
交趾刺史有理能名兄喬爲尚書客儀傳麗數上

言政事恒帝愛其才貌詔妻以公主喬固辭不聽
遂閉口不食七日而死琰初舉孝廉靈帝時爲零
陵太守是時蒼梧桂陽潯陽賊相聚攻郡縣賊衆多
而琰力弱吏人憂恐琰乃特制馬車數十乘以排
囊盛石灰於車上繫布索於馬尾又爲車車專鼓
弓弩起期會戰乃令馬車居前順風鼓灰賊不得
視因以火燒布然馬驚奔突賊陣因使後車弓弩
亂發鉦鼓鳴震郡盜破散追逐傷斬無數梟
其渠帥郡境以清荆州刺史趙凱誣奏琰身
破賊而妄有其功琰與相章奏凱有黨助遂檻車

人物記上卷

十

微琰防禁嚴密無由自訟乃受臂出血書衣爲章
具陳破賊形勢又言凱所誣狀潛令親屬詣關通
之詔書原琰拜議郎凱反受誣人之罪梟之遷爲
渤海太守所在有異政事免後尚書令張溫特
表薦之徵拜尚書僕射以病乞骸骨卒于家

贊曰琰用計破賊以勞定功琰雖藉有祖父

風然景風之賞未甄書之矣言互及卒致自明
真誣異報國足爲公道之快亦以微琰之能也

漢駱俊傳

駱俊字孝遠縣人察孝廉補尚書郎擢拜陳留相

值表術借號盜起倭保羅境賊不敢犯濟養百姓
歲獲豐稔時鄰郡饑荒人多仰給使仰哺賑全
活甚衆育子者厚致米肉所生子多以駱爲名後
術表鐵求釋俊拒絕術怒害殺之

吳駱統傳

駱統字公緒父俊爲表術所害統八歲與親客歸
會稽幼聰慧有顯名孫權領會稽太守統年二十
試爲烏程相民戶過萬咸嗟其惠理權嘉之召爲
功曹行騎都尉妻以從兄輔女統嘗勸權以尊賢
接士勤求損益出爲建忠郎將時徵伐繁數民戶

人物志上卷

十一

損耗統上疏曰君國者以據疆土爲強富制威福
爲尊貴權總義爲榮顯宋世亂於豐祚然財須民
主強賴民力威恃民勢福由民殖德俟民茂義以
民行六者既備然後應天受祚權威統言深加意
焉隨陸遜破蜀軍於宜都還偏將軍曹仁攻濡須
使別將襲中州統拒破之封新陽亭侯後爲濡須
督數陳便宜前後書數十上所言皆善權納用焉
年三十六卒

南齊朱幼傳

朱幼字長明其先魯人陳朱雲之後避亂過江曹

祖汎字孝粹晉永興中任臨海太守秩滿來徙義
烏蒲墟村寢成大族後名蒲墟曰赤岸幼歷高辛
平昌淮陽三郡太守遷揚州刺史兼度支治揚有
功人歌曰朱幼渡江東人安盜賊空

贊曰俊能濟養百姓惠及鄰郡統乃盡忠於吳

建功立業幼之治揚有功人安盜空是比曾政績

較著有功於世者也君子稱之固亦宜矣然統

仕孫權昧知正統觀者取節焉爾

宋葉業傳

葉業字實之縣人父維休伯父維色連擢進士第

人物志上卷

十三

業以世科舉遷太常寺主簿輪對言中書政本宜
清心正已以求賢爲務時宰不然改軍器監丞差
知荆門會京西帥幕建議築城東蒙兩山之巔業
以山無水泉且非敵路條其不便者六置制使趙
方主先入之說不從業歎曰敵民誤國寧有去耳
遂解印綬去有旨除瓊州路運判官俄復予祠
結廬東山扁曰抗雲祠滿差知武岡軍未上而卒
第譽亦進士子由廣別有傳

宋朱質傳

朱質字仲文縣之溪西人受學呂祖謙而卒業於

唐仲友紹熙親策多士質次之後陳春秋義以後
雖為說孝宗聞之大喜質自兩使職官任田用故
事改秩歷武學諭博士召試館職自正字三遷至
著作郎兼侍左郎官開禧初金使入見倨慢上書
乞斬之時韓侂胄用事雖不行其言然遂下詔北
伐擢質右正言左司諫兼侍講奏疏論邊事甚
悉及師出無功侂胄乃欲議和質猶以為為和不可
侍侂胄怒即日移太常少卿兼權吏部侍郎嘉定
再和遂以謫去用累赦復官予祠差知道州未及
上而致仕積階朝散大夫有易說舉要奏議詩文

人物誌上卷

古

雜票

宋黃炎傳

黃夢炎字予賜其先由浦江徙義烏曾祖中輔以
風節聞夢炎博學善文淳祐末登進士第關陞入
京湖制幕以掌故准備差遣平反盜公庫銀寬獄
得釋者數十百人入淮東制幕主管機宜文字建
議蠲放屯租邊民賴以安業出判平江府得節得
蠶以代民輸租白免淮西總領累歲所索無名錢
民力以甦咸淳初除司農寺丞輪對力陳時弊請
減浮費乞戒宴私度宗嘉納除樞密院編修官累

遷戶部左曹郎官仍兼編修與時宰不合引年以
朝請大夫致仕扁所居曰桂隱室曰潛齋有詩文
十卷

贊曰依世則道廢違俗則身危此古人於爵位
所以難也兼輪對言政有干時宰朝廷不從解
印去職質陳春秋大義以復讎為說而以和議
為不可見黜侂胄夢炎力陳時弊請減浮費與
宰執不合引年致仕孔子謂以道事君三子近
之矣

宋康植傳

人物誌上卷

十五

康植字子厚上世家金華父仲穎字緄之擢第後
試中教官始末遷義烏仕至尚書吏部郎中居官
以清白稱植登世科自奉化縣主簿三遷為武安
軍節度掌書記以需次之暇執經於徐僑之門者
三年端平更化侍僑赴京喬行簡欲覈以職事植
亟赴書記任制置使史嵩之團結漁舟防江植持
不可嵩之怒對移江陵酒官請奉祠徑歸未幾除
刑工部架閣文字遷國子正改通直郎輪對言事
抗直忤時宰意差通判廣德軍救荒有法陞知本
軍以治最聞召知大宗正丞遷兵部郎官出為浙

西提點刑獄公事劾奏平江守臣史宅之治郡無狀萬之宅之兄也時為丞相并連及之其言以謂宅之不思掩前人之愆專務聚斂以事貢獻是以小忠而成其大不忠也高之不知而使之不知知兩使之不仁其上罔陛下又不忠之大者也群臣明知其罪而不言皆逆探陛下之意而不敢嬰其鋒是逢君之惡亦不忠之徒也疏入理宗震怒欲重罪之杜本相範時在樞府為之諫諍謂臣言事既不中又加之罪如天下公議何理宗尋悟乃徙宅之陰陽而復授刑福建改知寧國府兼權江

人物記上卷

宋

南東路提舉茶鹽義倉奏免和糴行總界法除都官郎中出知吉州改福建路轉運判官兼攝建寧府振水苗插墾弊政惠大宰赴闕奏事卒于建寧驛積階朝奉郎

宋朱元龍傳

朱元龍字景雲縣人從徐僑學於嘉定十六年進士第歷平陽青陽尉調饒州司理參軍德興令訟其民董氏五兄弟溺死縣卒具獄上力辨其非辜其兄弟得不死後皆為名進士他所平反者甚眾嘉熙元年以虜州緡雲縣令治最擅幹辦行在諸

司糧料院輪對論三邊形勢理宗嘉納語近臣曰朱元龍好臺諫官除宗正寺主簿陞宗正丞兼權左司郎官京局官或挾權貴勢求舉牘輒斥之曰舉牘可以勢取耶中官有求封節者力持不可宰臣傳上旨令改擬對曰吾職可罷擬筆不可改也宗室有圩田之訟舉朝無敢可否元龍毅然決之歲旱宰執勸上幸明慶寺禮佛元龍曰稽首號泥佛蘇且且不為可以天子而為之乎時方括兩淮浮糧致書執政以謂朝廷行商賈之事廟堂踵諸閭之規使史氏書曰括浮糧自今始不可又辨督

人物記上卷

宋

府設富民王倫之寃而活其子兩上封事言自宮禁朝廷以及百官富民皆可痛哭流涕於是史高之入相疾其直言遂以斥去差知衢州二州皆旋予祠改知台州以憂不上既而鄭清之再入相素惡其剛直遂以朝奉大夫致仕家居十年乃卒有遺稿十卷及讀騷集子幼學用養入仕終臨安府觀察雜官繼子杰繼取進士治郡有能聲卒官將作少監

贊曰徐僑承朱子之緒傳聖賢之學倡道烏傷及門之士多著賢行若康植朱元龍者而發益